

素書選讀



# 目次

素書序	一
素書白文	五
原始章第一	一五
正道章第二	二一
求人之志章第三	二四
本德宗道章第四	三〇
遵義章第五	三七
安禮章第六	四六



## 素書序

《黃石公素書》六篇，按《前漢列傳》黃石公圯橋所授子房《素書》，世人多以「三略」為是，蓋傳之者誤也。晉亂，有盜發子房塚，於玉枕中獲此書，凡一千三百三十六言，上有祕戒：「不許傳於不道、不神、不聖、不賢之人；若非其人，必受其殃；得人不傳，亦受其殃。」嗚呼！其慎重如此。黃石公得子房而傳之，子房不得其傳而葬之。後五百餘年而盜獲之，自是《素書》始傳於人間。然其傳者，

特黃石公之言耳，而公之意，其可以言盡哉。余竊嘗評之：天人之道，未嘗不相為用，古之聖賢皆盡心焉。堯欽若昊天，舜齊七政，禹敘九疇，傳說陳天道，文王重八卦，周公設天地四時之官，又立三公以燮理陰陽。孔子欲無言，老聃建之以常無有。《陰符經》曰：宇宙在乎手，萬物生乎身。道至於此，則鬼神變化，皆不逃吾之術，而況於刑名度數之間者歟！黃石公，秦之隱君子也。其書簡，其意深；雖堯、舜、禹、文、傳說、周公、孔、老，亦無以出此矣。然則，黃石公知秦之將亡，漢之將興，故以此《書》授子房。而子

房者，豈能盡知其《書》哉！凡子房之所以為子房者，僅能用其一二耳。《書》曰：「陰計外泄者敗。」子房用之，嘗勸高帝王韓信矣；《書》曰：「小怨不赦，大怨必生。」子房用之，嘗勸高帝侯雍齒矣；《書》曰：「決策於不仁者險。」子房用之，嘗勸高帝罷封六國矣；《書》曰：「設變致權，所以解結。」子房用之，嘗致四皓而立惠帝矣；《書》曰：「吉莫吉於知足。」子房用之，嘗擇留自封矣；《書》曰：「絕嗜禁慾，所以除累。」子房用之，嘗棄人間事，從赤松子游矣。嗟乎！遺粕棄滓，猶足以亡秦、項而帝

沛公，況純而用之，深而造之者乎！自漢以來，章句文詞之學熾，而知道之士極少。如諸葛亮、王猛、房喬、裴度等輩，雖號為一時賢相，至於先王大道，曾未足以知髣佛。此書所以不傳於不道、不神、不聖、不賢之人也。離有離無之謂「道」，非有非無之謂「神」，有而無之之謂「聖」，無而有之之謂「賢」。非此四者，雖口誦此《書》，亦不能身行之矣。

宋張商英天覺序



# 素書白文

秦 黃石公著

## 原始章第一

夫道、德、仁、義、禮，五者一體也。

道者，人之所蹈，使萬物不知其所由。德者，人之所得，使萬物各得其所欲。仁者，人之所親，有慈惠惻隱之心，以遂其生成。義者，人之所宜，賞善罰惡，以立功立事。禮者，人之所履，夙興夜寐，以成人倫之序。

夫欲為人之本，不可無一焉。

賢人君子，明於盛衰之道，通乎成敗之數；審乎治亂之勢，達乎去就之理。故潛居抱道以待其時。

若時至而行，則能極人臣之位；得機而動，則能成絕代之功。如其不遇，沒身而已。是以其道足高，而名重於後代。

## 正道章第二

德足以懷遠，信足以一異，義足以得眾。才足以鑑古，明足以照下，此人之俊也。

行足以為儀表，智足以決嫌疑。信可以使守約，廉可以使分財，此人之豪也。

守職而不廢，處義而不回，見嫌而不苟免，見利而不苟得，此人之傑也。

## 求人之志章第三

絕嗜禁欲，所以除累；抑非損惡，所以禳過。貶酒闕色，所以無污；避嫌遠疑，所以不誤。博學切問，所以廣知；高行微言，所以修身。恭儉謙約，所以自守；深計遠慮，所以不窮。親仁友直，所以扶顛；近恕篤行，所以接人；任材使能，所以濟物；殫惡斥讒，所以止亂；推古驗今，所以不惑；先揆後度，所以應卒。設變致權，所以解結；括囊順會，所以無咎。櫛櫛梗梗，所以立功；孜孜淑淑，所以保終。

## 本德宗道章第四

夫志心篤行之術：「長莫長於博謀，安莫安於忍辱；先莫先於修德，樂莫樂於好善，神莫神於至誠，明莫明於體物，吉莫吉於知足。苦莫苦於多願，悲莫悲於精散，病莫病於無常，短莫短於苟得，幽莫幽於貪鄙，孤莫孤於自恃，危莫危於任疑，敗莫敗於多私。」

## 遵義章第五

以明示下者闇，有過不知者蔽，迷而不返者惑，以言取怨者禍。令與心乖者廢，後令繆前者毀。怒而無威者犯，好直辱人者殃；戮辱所任者危，慢其所敬者凶。貌合心離者孤，親讒遠忠者亡。近色遠賢者悞，女謁公行者亂，私人以官者浮。凌下取勝者侵，名不勝實者耗。略己而責人者不治，自厚而薄人者棄廢。以過棄功者損，群下外異者淪，既用不任者疏。行賞吝色者沮，多許少與者怨，既迎而拒者

乖。薄施厚望者不報，貴而忘賤者不久，念舊而棄新功者凶。用人不得正者殆，強用人者不畜，為人擇官者亂，失其所強者弱。決策於不仁者險，陰計外泄者敗，厚斂薄施者凋。戰士貧游士富者衰。貨賂公行者昧。聞善忽略，記過不忘者暴。所任不可信，所信不可任者濁。牧人以德者集，繩人以刑者散。小功不賞，則大功不立；小怨不赦，則大怨必生。賞不服人，罰不甘心者叛。賞及無功，罰及無罪者酷。聽讒而美，聞諫而仇者亡。能有其有者安，貪人之有者殘。

## 安禮章第六

怨在不捨小過，患在不豫定謀。福在積善，禍在積惡。饑在賤農，寒在惰織。安在得人，危在失士；富在迎來，貧在棄時。上無常躁，下多疑心；輕上生罪，侮下無親。近臣不重，遠臣輕之。自疑不疑人，自信不疑人；枉士無正友，曲上無直下。危國無賢人，亂政無善人。愛人深者求賢急，樂得賢者養人厚；國將霸者士皆歸，邦將亡者賢先避。地薄者大物不產，水淺者大魚不游；樹禿者大禽不棲，林疏者大



獸不居。山峭者崩，澤滿者溢。棄玉抱石者盲，羊質虎皮者柔。衣不舉領者倒，走不視地者顛。柱弱者屋壞，輔弱者國傾。足寒傷心，民怨傷國。山將崩者，下先隳；國將衰者，民先弊。根枯枝朽，民困國殘。與覆車同軌者傾，與亡國同事者滅。見已生者，慎將生；惡其跡者，須避之。畏危者安，畏亡者存。

夫人之所行，有道則吉，無道則凶。吉者，百福所歸；凶者，百禍所攻；非其神聖，自然所鍾。

務善策者，無惡事，無遠慮者，有近憂。同志相得，同

仁相憂，同惡相黨，同愛相求，同美相妒，同智相謀，同貴相害，同利相忌，同聲相應，同氣相感，同類相依，同義相親，同難相濟，同道相成，同藝相規，同巧相勝，此乃數之所得，不可與理違。

釋己而教人者逆，正己而化人者順。逆者難從，順者易行；難從則亂，易行則理。詳體而行。如此理身、理家、理國可也。

# 素書選讀

秦黃石公著

宋張商英註

## 原始章第一

言道不可以無始

一、夫道、德、仁、義、禮，五者一體也。

離而用之則有五，合而渾之則為一；一之所以貫五，五所以衍一。

(體)二、道者，人之所蹈(蹈猶走路也)，使萬物不知其所由。

道之衣被萬物，廣矣，大矣。一動息，一語默，一出

處，一飲食（之間）。大而八紘之表，小而芒（纖）芥之內，何適而非道也？仁不足以名，故仁者見之謂之仁；智不足以盡，故智者見之謂之智；百姓不足以見，故日用而不知也。

（相）**三德者**，人之所得，使萬物各得其所欲。  
（引業）

有求之謂欲。欲而不得，非德之至也。求於規矩者，得方圓而已矣；求於權衡者，得輕重而已矣。求（至）於德者，無所欲而不得。君臣父子得之，以為君臣父子；

昆蟲草木得之，以為昆蟲草木。大得以成大，小得以成小。邇之一身，遠之萬物，無所欲而不得（者）也。

（以下皆大用也）

四、仁者，人之所親，有慈惠惻隱之心，以遂其生成。  
（滿業）

仁之為體如天，天無不覆；如海，海無不容；如雨露，雨露無不潤。慈惠惻隱，所以用仁者也。非（有心以）親於天下，而天下自親之。無一夫不獲其所，無一物不獲其生。《書》曰：『鳥、獸、魚、鱉咸若。』《詩》曰：『敦彼行葦，牛羊勿踐履。』其仁之至也。

五、義者，人之所宜，賞善罰惡，以立功立事。

理之所在，謂之義；順理決斷，所以行義。賞善罰惡，義之理也；立功立事，義之斷也。

六、禮者，人之所履，夙興夜寐，以成人倫之序。

禮，履也。朝夕之所履踐而不失其序者，皆禮也。言、動、視、聽，造次必於是，放、僻、邪、侈，從何而生乎？

七、夫欲爲人之本，不可無一焉。

老子曰：『夫道而後德，失德而後仁；失仁而後義，失義

而後禮。』失者，散也。道散而為德，德散而為仁；仁散而為義，義散而為禮。五者未嘗不相為用，而要其不散者，道妙而已。老子言其體，故曰：『禮者，忠信之薄而亂之首。』黃石公言其用，故曰：『不可無一焉。』

八、賢人君子，明於盛衰之道，通乎成敗之數；審乎治亂之勢，達乎去就之理。

盛衰有道，成敗有數；治亂有勢，去就有理。

九、故潛居抱道，以待其時。

道猶舟也，時猶水也；有舟楫之利而無江河以行之，亦莫見其利涉也。

十、如其不遇，沒身而已。

養之有素，及時而動；機不容髮，豈容擬議者哉？

是以其道足高，而名重於後代。

道高則名垂於後而重矣。



正道章第二 言道不可以非正

十一、德足以懷遠。

懷者，中心悅而誠服之謂也。

信足以一異，義足以得眾。

有行有為，而眾人宜之，則得乎眾人矣。

才足以鑒古，明足以照下——此人之俊也。

十二、行足以爲儀表，智足以決嫌疑，

嫌疑之際，非智不決。

信可以使守約，廉可以使分財——此人之豪也。

十三、守職而不廢。

孔子為委吏乘田之職是也。

處義而不回。

迫於利害之際而確然守義者，此不回也。

見嫌而不苟免。

周公不嫌於居攝，召公則有所嫌也。孔子不嫌於見南子，子路則有所嫌也。居嫌而不苟免，其惟至明乎。

見利而不苟得，此人之傑也。

俊者，峻於人也；豪者，高於人；傑者，傑於人。有德、有信、有義、有才、有明者，俊之事也。有行、有智、有信、有廉者，豪之事也。至於傑，則才行足以名之矣。然，傑勝於豪，豪勝於俊也。

求人之志章第三

言志不可以妄求

十四、絕嗜禁欲，所以除累。

人性清淨，本無係累；嗜欲所牽，捨己逐物。

十五、抑非損惡，所以禳過。

禳，猶祈禳而去之也。非至於無，抑惡至於無，損過可以無禳爾。

十六、貶酒闕色，所以無污。

色敗精，精耗則害神；酒敗神，神傷則害精。

十七、避嫌遠疑，所以不誤。

於跡無嫌，於心無疑，事乃不誤爾。

十八、博學切問，所以廣知。

有聖賢之質，而不廣之以學問，弗勉故也。

十九、高行微言，所以修身。

行欲高而不屈，言欲微而不彰。

二、恭儉謙約，所以自守。

二、深計遠慮，所以不窮。

管仲之計，可謂能九合諸侯矣，而窮於王道；商鞅之計，可謂能強國矣，而窮於仁義；弘羊之計，可謂能聚財矣，而窮於養民；凡有窮者，俱非計也。

三、親仁友直，所以扶顛。

聞譽而喜者，不可以得友直。

三、近怨篤行，所以接人。

極高明而道中庸，聖賢之所以接人也。高明者，聖人之所獨；中庸者，眾人之所同也。

二、任材使能，所以濟物。

應變之謂材，可用之謂能。材者，任之而不可使；能者，使之而不可任，此用人之術也。

三、殫惡斥讒，所以止亂。

讒言惡行，亂之根也。

四、推古驗今，所以不惑。

因古人之跡，推古人之心，以驗方今之事，豈有惑哉？

二七、先揆後度，所以應卒。

執一尺之度，而天下之長短盡在是矣。倉卒事物之來，而應之無窮者，揆度有數也。

二八、設變致權，所以解結。

有正、有變、有權、有經。方其正，有所不能行，則變而歸之於正也；方其經，有所不能用，則權而歸之於經也。



二九、括囊順會，所以無咎。

君子語默以時，出處以道；括囊而不見其美，順會而不發其機，所以免咎。

三〇、槩槩梗梗，所以立功；孜孜淑淑，所以保終。

槩槩者，有所恃而不可搖；梗梗者，有所立而不可撓。孜孜者，勤之又勤；淑淑者，善之又善。立功莫如有守，保終莫如無過也。

## 本德宗道章第四

言本宗不可以離道德

三、夫志心篤行之術，長莫長於博謀。

謀之欲博。

三、安莫安於忍辱。

至道曠夷，何辱之有。

三、先莫先於修德。

外以成物，內以成己，此修德也。

三、樂莫樂於好善，神莫神於至誠。

無所不通之謂神。人之神與天地參，而不能神於天地者，以其不至誠也。

三、明莫明於體物。

《記》曰：『清明在躬，志氣如神。』如是，則萬物之來，其能逃吾之照乎！

三、吉莫吉於知足。

知足之吉，吉之又吉。

三七、苦莫苦於多願。

聖人之道，泊然無欲。其於物也，來則應之，去則無係，未嘗有願也。古之多願者，莫如秦皇、漢武。國則願富，兵則願彊；功則願高，名則願貴；宮室則願華麗，姬嬪則願美艷；四夷則願服，神仙則願致。然而，國愈貧，兵愈弱；功愈卑，名愈鈍；卒至於所求不獲而遺恨狼狽者，多願之所苦也。夫治國者，固不可多願。至於賢人養身之方，所守其可以不約乎！

三、悲莫悲於精散。

道之所生之謂一，純一之謂精，精之所發之謂神。其潛於無也，則無生無死，無先無後，無陰無陽，無動無靜。其舍於神也，則為明、為哲、為智、為識。血氣之品，無不稟受。正用之，則聚而不散；邪用之，則散而不聚。目淫於色，則精散於色矣；耳淫於聲，則精散於聲矣。口淫於味，則精散於味矣；鼻淫於臭，則精散於臭矣。散之不已，豈能久乎？

三、病莫病於無常。

天地所以能長久者，以其有常也；人而無常，不其病乎？

四、短莫短於苟得。

以不義得之，必以不義失之；未有苟得而能長也。

五、幽莫幽於貪鄙。

以身殉物，闇莫甚焉。

### 四、孤莫孤於自恃。

桀紂自恃其才，智伯自恃其彊，項羽自恃其勇，高莽自恃其智，元載、盧杞自恃其狡。自恃則氣驕於外，而善不入耳；不聞善則孤而無助，及其敗，天下爭從而亡之。

### 四、危莫危於任疑。

漢疑韓信而任之，而信幾叛；唐疑李懷光而任之，而懷光遂逆。

四、敗莫敗於多私。

賞不以功，罰不以罪；喜佞惡直，黨親遠疏；小則結匹夫之怨，大則激天下之怒，此多私之所敗也。



## 遵義章第五

言遵而行之者義也

四、以明示下者闇。

聖賢之道，內明外晦。惟不足於明者，以明示下，乃其所以闇也。

五、有過不知者蔽。

聖人無過可知；賢人之過，造形而悟；有過不知，其愚蔽甚矣！

四七、迷而不返者惑。

迷於酒者，不知其伐吾性也。迷於色者，不知其伐吾命也。迷於利者，不知其伐吾志也。人本無迷，惑者自迷之矣！

四八、以言取怨者禍。

行而言之，則機在我，而禍在人；言而不行，則機在人，而禍在我。

四九、令與心乖者廢。

心以出令，令以心行。

五、後令繆前者毀。

號令不一，心無信而事毀棄矣！

五、怒而無威者犯。

文王不大聲以色，四國畏之。故孔子曰：不怒而威於鈇鉞。

五、好直辱人者殃。

已欲沽直名而置人於有過之地，取殃之道也！

五、慢其所敬者凶。

以長幼而言，則齒也；以朝廷而言，則爵也；以賢愚而言，則德也。三者皆可敬，而外敬則齒也、爵也，內敬則德也。

五、貌合心離者孤。

五、親讒遠忠者亡。

讒者，善揣摩人主之意而中之；而忠者，推逆人主之過而諫之。讒者合意多悅，而忠者逆意多怨；此子胥殺而

吳亡；屈原放而楚亡是也。

五、名不勝實者耗。

陸贄曰：『名近於虛，於教為重；利近於實，於義為輕。』然則，實者所以致名，名者所以符實。名實相資，則不耗匱矣。

五、略己而責人者不治。

五、自厚而薄人者棄廢。

聖人常善救人而無棄人；常善救物而無棄物。自厚者，

自滿也。非仲尼所謂：躬自厚之厚也。自厚而薄人，則人才將棄廢矣。

五、以過棄功者損，

卒、群下外異者淪。

措置失宜，群情隔塞；阿諛並進，私徇並行。人人異心，求不淪亡，不可得也。

六、既用不任者疏。

用賢不任，則失士心。此管仲所謂害霸也。

三、薄施厚望者不報。

天地不仁，以萬物為芻狗；聖人不仁，以百姓為芻狗。覆之、載之，含之、育之，豈責其報也。

四、貴而忘賤者不久。

道足於己者，貴賤不足以為榮辱；貴亦固有，賤亦固有。惟小人驟而處貴則忘其賤，此所以不久也。

五、念舊而棄新功者凶。

切齒於睚眦之怨，眷眷於一飯之恩者，匹夫之量。有志

於天下者，雖仇必用，以其才也；雖怨必錄，以其功也。漢高祖侯雍齒，錄功也；唐太宗相魏鄭公，用才也。

五、貨賂公行者昧。

私昧公，曲昧直也。

六、聞善忽略，記過不忘者暴。

暴則生怨。

七、牧人以德者集。



六、繩人以刑者散。

刑者，原於道德之意而恕在其中；是以先王以刑輔德，而非專用刑者也。故曰：牧之以德則集，繩之以刑則散也。

充、小功不賞，則大功不立。

辛、小怨不赦，則大怨必生。

七、聽讒而美，聞諫而仇者亡。

## 安禮章第六

言安而履之爲禮

七、福在積善，禍在積惡。

善積則致於福，惡積則致於禍；無善無惡，則亦無禍無福矣。

七、安在得人，危在失士。

七、上無常躁，下多疑心。

躁靜無常，喜怒不節；群情猜疑，莫能自安。

七、輕上生罪，侮下無親。

輕上無禮，侮下無恩。

六、近臣不重，遠臣輕之。

淮南王言：去平津侯如發蒙耳。

七、自疑不信人。

暗也。

自信不疑人。

明也。

六、危國無賢人，亂政無善人。

非無賢人、善人，不能用故也。

七、愛人深者求賢急，樂得賢者養人厚。

人不能自愛，待賢而愛之；人不能自養，待賢而養之。

八、國將霸者士皆歸。

趙殺鳴犢，故夫子臨河而返。

邦將亡者賢先避。

若微子去商，仲尼去魯是也。

八、與覆車同軌者傾，與亡國同事者滅。

漢武欲為秦皇之事，幾至於傾；而能有終者，末年哀痛自悔也。桀紂以女色亡，而幽王之褒姒同之。漢以閹宦亡，而唐之中尉同之。

(四正勤)

三、見已生者，慎將生；惡其跡者，須避之。

已生者，見而去之也；將生者，慎而消之也。惡其跡

者，急履而惡踣，不若廢履而無行。妄動而惡知，不若  
絀動而無為。

三、畏危者安，畏亡者存。

四、夫人之所行。有道則吉，無道則凶。

五、吉者，百福所歸；凶者，百禍所攻；非其神聖，自然所  
鍾。

有道者，非己求福，而福自歸之；無道者，畏禍愈甚，  
而禍愈攻之。豈有神聖為之主宰，乃自然之理也。

六、同志相得。

舜有八元、八凱。湯則伊尹。孔子則顏回是也。

同仁相憂。

文王之閔、散，微子之父師、少師，周且之召公，管仲之鮑叔也。

七、同聲相應，同氣相感。

五行、五氣、五聲散於萬物，自然相感應也。

八、同類相依，同義相親，同難相濟。

六國合縱而拒秦，諸葛通吳以敵魏。非有仁義存焉，特同難耳。

同道相成。

漢承秦後，海內凋敝，蕭何以清靜涵養之。何將亡，念諸將俱喜功好動，不足以知治道。時，曹參在齊，嘗治蓋公、黃老之術，不務生事，故引參以代相。

九、釋己而教人者逆，正己而化人者順。



教者以言，化者以道。老子曰：『法令滋彰，盜賊多有。』教之逆者也。『我無為，而民自化；我無欲，而民自朴。』化之順者也。

卒、難從則亂；易行則理。

天地之道，簡易而已；聖人之道，簡易而已。順日月，而晝夜之；順陰陽，而生殺之；順山川，而高下之；此天地之簡易也。順夷狄而外之，順中國而內之；順君子而爵之，順小人而役之；順善惡而賞罰之。順九土之

宜，而賦斂之；順人倫，而序之；此聖人之簡易也。夫  
烏獲非不力也，執牛之尾而使之卻行，則終日不能步尋  
丈；及以環桑之枝貫其鼻，三尺之繩縻其頸，童子服  
之，風於大澤，無所不至者，蓋其勢順也。

快的一年

慢三年

每歲九年

博心經

釋道安  
大正十有九年  
□

證道難

行道容易

行道難

見道容易

見道難  
如河可涉  
易

釋道安



明其明德則獨善其身  
若得位行道則兼善天下  
於前哲言行日誦繹思之  
期過日寡而德日崇以至  
德純過無而後已夫子以  
德不脩學不講而為憂

印光大師法語兩成元日恭錄



孔子孟學說的



仁愛落實在

弟子規



華藏同學共勉



知恩報恩滴水之恩湧泉為報

知義道義仁義情義恩義人生

於世當作義人仁人

一心念佛求生淨土

淨空時年七五□

教民親愛莫善於孝  
教民禮順莫善於悌  
移風易俗莫善於樂  
安上治民莫善於禮

孝經第十二

廣要道章



八三叟淨書



